

in der wochen, welchen tag en das libit, tringkin unnd die manschaft haldin. Item so ist auch vormals eyne gewonheit gewest, das eyn itzlicher richter dem rate uff zwey foitdinge eyn essen ausgericht unnd gegeben habe; dasselbe sal auch gancz abegetan sien. Item so ist auch vormals eyne gewonheit gewest, so man eynen nawen herrn in den rat gekoren habe, ist em manchirleie beswerungin an kust uffgelegt; sal hynfurdir 5 eyn itzlicher also haldin, nichtis meher, denne deme rate eyne malzeit, nachdeme er vormag, uff eynen morgen, wenne er das vor fasnacht geendin kan, geben; uff den abind zuvor unnd den tag zu mittage unnd uff den abind gancz nichtis; wil er dorzu die herrn, die ausgegangen sien, bittin, das stet zu siener willekore. Item die essen zu den gotz- 10 hewßern-rechnungen, die sullen auch gancz abegetan sien. Item so man wachegelt innympt, sal man auch keyn essen hinfurt meher habin. Item so die herrn des jaris, wenne unnd wie ofte das not tut, uff den dorffern dingin werdin, mogin unnd sullen en die pawern nach aldir gewonheit, als sie vermogin, den die man hynawsschickit, essen unnd tringkin gebin; abir in der stat dem rate, als vormals gschenn ist, eyne malzeit zu be- 15 reitin, sal auch gancz abegestalt werdin. Item es ist auch vormals gwest, so man die statzinße unnd pfrunde uff Walpurgis unnd Michaelis ingenomen habe, das man dem rate eyne malzeit gmacht hat; dasselbe sal auch gancz abegestalt sien. Item wes eyn burgermeister vor eyne freiheit habin sal, das eyn itzlicher burgermeister dasselbe jar, so er burgermeister ist, des gschos unnd allis thuns frey sitzin sal, unnd furdir nichtis. Auch 20 sal keyn burgermeister hinfurdir dem rate keyn essen vor fasnacht machen; sal gancz abegestalt sien; is were denne eyn nawer burgermeister, der vormals nicht burgermeister were gewest, der sal eyn mal dasselbe jar vor fasnacht, wenne er das geschigkin kan, dem rate, unnd wen er dorzu wil habin, eyn essen uff den morgen unnd den abind deselbin tagis adir den abind zuvor, wie em das ebind, gebin unnd ausrichtin. Item so sal 25 auch hinfurdir kein burgermeister uff seyne rechnungen kein essen meher, denne eynen tag uff den morgin unnd den abind, dem rate gebin unnd den eldisten, nach mittage nichtis meher, denne tringkin. Item so man geschos innympt, so sal der rat nichtis meher, denne eynen tag uff den morgin unnd den abind mitenander essin unnd das gschos in dreyen tagin infurdern.

30

168.

*Anschlag, was bei Ausschreibung des Eidgeschosses zu verschossen sei.*

1491 Mai 26.

*Hdschr.: Kamenzer Stadtbuch 3,88<sup>b</sup>.*

Anno domini millesimo quadringentesimo nonagesimo primo ist eyn eydgeschos angeslagenn bei Procopio Robrote die zeit burgermeister mit willen unnd wissenn hant- 35 wergk unnd gemeyne am freitag nach pfingisten. Zum ersten das eyn ydermann von ekkern, wesenn und allen erbguttirnn, legende und stehende grunde, varende unnd unvarende, gleich der berettschaft gesamplich vorschossen sall, von viher marg eyn groschin. Item eyn firtil birs mit denn vaßenn zu rechen vor eyne margk. Item was eyn man holtzs hat, an den stellen, do ers hat, sall er rechen, was das kost. Item wer acker um-